



Tužilaštvo - Tužiteljstvo Bosne i

Hercegovine

Тужилаштво Босне и Херцеговине

*Broj: T20 0 KTPO 0017838 19**Sarajevo, 27.04.2022. godine***SUD BOSNE I HERCEGOVINE****S A R A J E V O****Sudija za prethodno saslušanje**

Na temelju člana 35. stav 2.tačka i) i člana 226.stav 1. i člana 227. Zakona o kaznenom postupku Bosne i Hercegovine, podižem

OPTUŽNICU**Protiv:**

- 1. Hikmeta Zulić, rođena [REDACTED] 1959. godine u Sarajevu,*
- 2. Armin Isović, rođen [REDACTED] 1992. godine u Sarajevu,*

Što su:

Dana 06.08.2019. godine, općina Novi Grad, Sarajevo, zajedno i po prethodnom dogovoru, u neposrednoj blizini tržnog centra [REDACTED], u putničkom motornom vozilu Škoda Octavia registarskih oznaka [REDACTED], a kojim je upravljao osumnjičeni Armin Isović, prevozili akcizne proizvode u smislu odredbi člana 4. stav 2. tačka b) i člana 6. stav 1. Zakona o akcizama Bosne i Hercegovine („Službeni glasnik BiH“, br. 49/09, 49/14, 60/14, 91/17) i to cigarete u količini od 4.184 paklica (Trokadero Blue slims 77 paklica, Calvin slims 78 paklica, Ashima luxury size 121 paklica, Ashima luxury super size slims plavi 96 paklica, Corset super slims lilac 180 paklica, Marble filter de luxe 93 paklica, Royal slims 386 paklica, King classic red 457 paklica, Mars international legeres 177 paklica, Dune classic 127 paklica, FM pink slims 217 paklica, FM Blue 496 paklica, FM red 179 paklica, Cosmopolitan premium slims 118 paklica, Marilyn pink 243 paklica, Manchester united kingdom black 246 paklica, Manchester united kingdom crveni 100 paklica, trokadero blue 132 paklica, Manchester united kingdom blue 285 paklica, Manchester united kingdom rozi 52

paklica, Manchester united kingdom superslims plav 56 paklica, motane cigarete 30 paklica, motane cigarete u pvc vrećicama 238 paklica i 11 PVC vrećica rezanog duhana mase od po cca 0,5 kg po vrećici, ukupno 5,5kg rezanog duhana, koje cigarete i rezani duhan su prethodno nabavili na njima poznat način, a koje nisu bile obilježene akciznim markicama na način propisan poreznim zakonodavstvom Bosne i Hercegovine, svjesni da na navedene cigarete i rezani duhan nije obračunata i plaćena akciza, koje su imali namjeru staviti u promet, odnosno prodati kupcima na pijaci [REDACTED] u Sarajevu, znajući da je takvo stavljanje u promet bez odobrenja nadležnog organa za obavljanje djelatnosti, i bez vjerodostojne dokumentacije o nabavci akcizne robe, suprotno odredbama člana 27. Zakona o duhanu („Službeni glasnik BiH“, broj: 32/10) i člana 25. stav 1. i stav 6. Zakona o akcizama Bosne i Hercegovine („Službeni glasnik BiH“ broj 49/09, 49/14, 60/14, 91/17), kada su navedenog dana oko 06:15 sati na navedenom lokalitetu zaustavljeni i kontrolisani od strane policijskih službenika Četvrte policijski uprave, PS Novi Grad Sarajevo, a koji policijski službenici su radnje preduzimali u okviru svojih nadležnosti radi kontrole vozila koja vrše prevoz visoko tarifne robe u ulici [REDACTED], općina Novi Grad, Sarajevo, u neposrednoj blizini [REDACTED], na temelju saznanja iz prethodno preduzetih službenih radnji policijskih službenika [REDACTED] koji su dana 03.08.2019.g. utvrdili da prvoosumnjičena i drugoosumnjičeni sa navedenim vozilom dovoze cigarete, a potom iste prvoosumnjičena prodaje [REDACTED], da bi kritičnog dana, odnosno 06.08.2019.g. iz vozila sa mjesta suvozača izašla osumnjičena Hikmeta Zulić i sa zadnjeg sjedišta tog vozila uzela dvije (2) PVC vreće sa štekama cigareta koje nisu bile obilježene akciznim markicama, i pokušala da se udalji od vozila, u čemu je bila spriječena od strane policijskog službenika [REDACTED], koji policijski službenici nakon što su dobili pojačanje od strane policijskih službenika [REDACTED], te ovlaštenih službenih lica UIO BiH RC Sarajevo, su potom kod osumnjičenih Zulić i Iović pronašli i privremeno oduzeli predmetne cigarete i duhan, u vrijednosti od 16.818,31 KM, a koja procjena je izvršena od strane Uprave za indirektno-neizravno oporezivanje BiH, na koji način su prvoosumnjičena i drugoosumnjičeni spriječeni u stavljanju u promet odnosno u prodaju istih.

Dakle, kao saizvršitelji nabavili određenu količinu cigareta i rezanog duhana koji nisu bili obilježeni kontrolnim i poreznim markicama na način propisan poreznim zakonodavstvom Bosne i Hercegovine, sa namjerom da iste stave u promet, odnosno prodaju.

Čime su:

Hikmeta Zulić i Armin Iović kao saizvršitelji počinili kazneno djelo Nedoizvoljen promet akciznih proizvoda iz člana 210a. stav 1. Kaznenog zakona BiH u vezi sa članom 26. i članom 29. istog Zakona.

TUŽITELJSTVO-TUŽILAŠTVO BIH
Tužitelj